



UNIVERSITÄT
UND LANDESBIBLIOTHEK
BONN

925001 -

- 925102

Mag. St. Dr.

III

INSTRUMENTVM PACIS CÆSAREO-OTTOMANICVM

Subscriptum 26. Ianuarij 1699.

In Nomine Sanctissimæ, & Individuæ Trinitatis.



D perpetuam rei memoriam. Notum sit omnibus & singulis quorum interest: Posteaquam per sedecim hucusque annos, sævum, exitiale, & multa humani sanguinis effusione cruentum adeo bellum, cum plurimarum Provinciarum desolatione gestum esset inter Serenissimum, & Potentissimum Principem & Dominum LEOPOLDVM Electum Romanorum Imperatorem semper Augustum, Germaniæ, Hungariæ, Bohemiæ, Dalmatiæ, Croatiæ, Sclavoniæ Regem, Archiducem Austriæ, Ducem Burgundiæ, Brabantæ, Styriæ, Carinthiæ, Carniolæ, Marchionem Moraviæ, Ducem Luxemburgiæ, Superioris & Inferioris Silesiæ, Wirtembergæ, & Teckæ, Principem Sveviæ, Comitem Habsburgi, Tyrolis, Kyburgi & Goritiæ, Marchionem Sacri Romani Imperii, Burgoviæ, ac Superioris & Inferioris Lusatiæ, Dominum Marchiæ Sclavonicæ, Portus Naonis & Salinarum &c. ab Vna: & Serenissimum, atque Potentissimum Principem & Dominum Sultanum Mustaffa Han Ottomannorum Imperatorem, ac Asiæ & Græciæ, eiusque gloriosos Prædecessores ab altera parte: misertique tandem afflictæ Subditorum Sortis summè dicti ambo Potentissimi Imperatores finem tantis in perniciem Generis Humani indies augescensibus malis ponere seriò in animum induxissent, factum Divinâ bonitate esse, ut an nitentibus, & conciliantibus Serenissimo, & Potentissimo Principe, & Domino Guilielmo Tertio, Magnæ Britanniæ, Franciæ, & Hiberniæ Rege, uti & Celsis ac Præpotentibus Dominis Ordinibus Generalibus Unitarum Belgij Provinciarum, solennes ea de causâ Tractatus Carlovizi in Sirmio propè Confinia utriusque Imperij instituti atque ad finem perducti fuerint. Comparantes quippe dicto loco utrinque legitimè constituti Plenipotentarii, nomine quidem Sacræ Cæsareæ, & Romanorum Imperatoriæ Majestatis, Illustrissimi & Excellentissimi Domini, Dominus Wolfgangus Sacri Romani Imperij Comes ab Oettingen Sacræ Cæsareæ Majestatis Cubicularius, Consiliarius Intimus, & Consilij Imperialis Aulici Præses: & Dominus Leopoldus Schlik Sacri Romani Imperij Comes in Passaun, & Weiskirchen, Ejusdem Sacræ Cæsareæ Majestatis Cubicularius, Generalis Vigiliarum Præfectus & Legionis Desultorium Equitum Tribunus: ambo ad Tractatus huius Pacis cum Porta Ottomanica deputati Legati Extraordinarii & Plenipotentarii: nomine vero Imperialis Ottomanicæ Majestatis, Illustrissimi & Excellentissimi Domini, Dominus Mehemet Effendi, Supremus Imperij Ottomannici Cancellarius, & Dominus Alexander Mauro Cordato ex nobili stirpe de Scarlati intimus jam dicti Imperij Consiliarius, & Secretarius: interventu & operâ Illustrissimorum, & Excellentissimorum Dominorum, Domini Guilielmi Paget, Baronis de Beaufort, Serenissimi Magnæ Britanniæ Regis, & Domini Jacobi Colyer Celsorum, & Præpotentium Generalium Fœderati Belgij Ordinum, amborum apud Excellam Portam Ottomannicam Oratorum, & ad restabiliendam pacem universalem Legatorum Plenipotentiariorum, qui munere Mediatoris integrè sedulò & prudenter perfuncti sunt: post invocatam æterni Numinis opem, & commutatas ritè mandatorum tabulas ad Divini Nominis gloriam, & utriusque Imperij salutem, in sequentes viginti mutuas Pacis, & Concordiæ Leges convenerunt.

ARTICVLVS PRIMVS

Regio Transylvanæ, quemadmodum de præsentī in possessione, & potestate Cæsareæ Majestatis, ita maneat in Ejusdem Dominio: Et à Podoliæ Confinio, usque ad extremum Vallachiæ Confinium, suis Montibus, qui antiqui fuerunt Limites ante præsens bellum inter Transylvaniam ex una parte, & Moldaviam atq; Vallachiam

ex alia parte, atque à Confinio Vallachia usque ad Flumen Marusium, pariter suis Montibus, qui antiqui fuerunt Limites, circumscribatur, & sic utrinque observatis antiquis Limitibus, nec ultra nec citrà ab utroque Imperio fieri possit extensio.

ARTICVLVS SECVNDVS

Provincia subiecta Arci Temeswarienti cum omnibus suis districtibus, & interfluentibus Fluvijis maneat in possessione, & potestate Excelli Imperij Ottomannici, atque à parte Transylvanæ fines ejus sint ab extremo Confinio Vallachia usque ad Fluvium Marusium in superiori Articulo constituti Transylvanæ antiqui Limites. Tum à parte Marusij usque ad Fluvium Tibiscum citerioribus ipse ejusdem Marusij & à parte Tibisci usq; ad Danubium citerioribus ripis Fluvij Tibisci fines ejus limitentur: Quæ verò intra prædictos Limites sita sunt Loca, nempe Caransebes, Lugos, Lippa, Clanad, Kiscanisia, Betsche, Betskereck, & Sablia citius, & intra præconstitutos ante præsens bellum Limites antiquos Transylvanæ, ac secundum prædeclaratam rationem intra ripas Fluminum Marusij & Tibisci in Temeswarinensibus Territorijs, qualiscunq; alius similis locus reperiatur. eâ conditione destruantur per Cæsareos, ut vi Factorum amplius reedificari non possint. Et prædicta Regio Temeswarinensis omnino libera relinquatur, & imposterum neq; in dictis hisce locis, neq; prope ripas Fluviorum Marusij atq; Tibisci alia vel majora vel minora loca, quæ possint speciè Fortificationis exhibere, exstruantur.

Fluviorum Marusij ac Tibisci inter Provinciam Temeswarinensem, & Provincias Cæsareæ potestati, & possessioni subiectas, usus sit communis Subditis utriusq; Imperij, tum ad potum pecorum omnis generis, tum ad piscationem, & alias commoditates Subditis perquam necessarias.

Cum verò onerariæ Naves à partibus superioribus subiectis Cæsareo Dominio, tum per Marusium Fluvium in Tibiscum, tum per Tibiscum in Danubium, sive ascendendo sive descendendo ultrò citroq; meantes nullo obice præpediri debeant, navigatio Navium Germanicarum, aut aliorum Subditorum Cæsareorum, nullo modo possit in cursu suo ultrò citroq; incommodari, sed libere atq; commodissime fiat ubiq; in prædictis duobus Fluvijis; Et siquidem reciproca amicitia & mutua benevolentia convenientia id etiam requirat, ut Subditi Imperiali Ottomannica potestati subiecti possint usus prædictorum Fluviorum esse participes, sine impedimento Navibus piscatorijs etiam ac Cymbis utantur.

Molendinariæ autem Naves in locis tantum, quibus Navigationi alterius nempe Cæsarei Domini, nullatenus impedimento esse possint, communicatione Gubernatorum utriusq; Domini, & consensu ponantur: quinimò ne diversione aquarum in Marusio cursus Cæsarearum Navium incommodum aliquod patiatur, nullatenus permittatur, ut sive Molendinorum, sive aliâ occasione ex Marusio aquæ aliò deriventur seu diducantur. Insulæ quæcunq; in prædictis Fluvijis, cum actu sint in potestate Cæsarea, maneant, uti possidentur: & Subditi utriusq; Domini omnino pacifice atq; tranquille vivant, severissimiq; Edictis ab insolentijs, & contraventione Factorum contineantur.

ARTICVLVS III.

Cum Regio inter Fluvios Tibiscum, & Danubium vulgò dicta Batka sit in sola possessione & potestate Cæsareæ Majestatis, sic maneat deinceps etiam in præfata potestate, & Dominio Cæsareo, neq; Titeliū magis, quam in præsentī est, fortificetur.

ARTICVLVS IV.

Ab extrema ripa citeriore Tibisci, opposita Titelianæ ripæ, & angulo terræ ibidē per conjunctionem Tibisci, & Danubij terminato deducatur linea recta usq; in ripam Danubij: item è regione citerioris ripæ Tibiscanæ sita, & ulterius protrahatur pariter recta ad Moravizij ripam citeriorem amnis Bossut: & inde ad Locum, usq; ubi prædictus amnis Bossut principali alveo in Savum elabitur: & Moravizio sine ulla Fortificatione relicto, extructisq; tantum in opposita utrinq; ripa, apertis pagis, separentur per prædictam lineam firmatam atq; distinctam sive fossis, sive lapidibus, sive palis, sive aliâ ratione, Imperia sequenti modo: Regio versùs Belgradinum intra modò dictos Limites permaneat sub sola potestate Potentissimi Ottomannorum Imperatoris: Regio verò extra prædictam lineam sita, maneat sub sola potestate, & possessione Potentissimi Romanorum Imperatoris: & secundum prædictos Limites pariter possideantur Fluvij, qui sunt Territorijs permanentibus in possessione utriusq; partis.

ARTICVLVS V.

Ab ostio annis Bossut in Savum effluentis, usque item in Savum elabentis Unnæ Fluvij ostium Savi altera quidem pars pertinens ad Ditionem Cæsaream possideatur ab Imperatore Ottomannorum.

Interfluens Fluvius Savus, & Insulæ in hoc communi tractu sitæ, sint communes,

nes, & usus tum ad navigationem ultrò citroque, tum ad alias commoditates utriusque partis Subditis pariter communis sit, utriusque religiosè observantibus pacificum, & imperturbatum ultrò citroque commercium.

Usque ad Unnam Fluvium Regio pertinens ad Dominium Imperialis Ottomanicæ Maiestatis, quâ Bosniam spectat, citerioribus ripis Unnæ Fluvij definiatur atque terminetur evacuatis Novi, Dubizza, Jessenovizza, Doboy, & Brod ex parte Bosnensi: & qualicunque alio simili loco in hoc Tractu existente, & deductis inde Præsidij Cæsareis, ista pars omni modo libera relinquatur: Castanouiz autem, & Insulæ infra Terram Novi versûs Savum cum ulterioribus ripis ejusdem Unnæ, cum sint & maneant in potestate Romanorum Imperatoris, prædictis Limitibus hinc distinguantur.

Loca demùm ultra Unnam longè à Savo sita, & ab utraque parte Præsidij conservata, atque possessa cum Terris ante præsens bellum ad eadem spectantibus, maneant iterum in potestate utriusque possidentis partis, eâ conditione, ut Commissarij utrinque mox deputandi Districtus atque Territoria singulatim deductis particulatim Lineis separantes, per fossas, lapides, palos, aut aliâ quacunque ratione, ad evitandam confusionem posita signa, segregent atque disjungant, in partibus Croatiae usque ad ultimum Confinium, & terminum Locorum in utriusque Domini possessione permanfurorum.

Et ex utraque parte, si quis ausus fuerit alterare, mutare, tollere, aut quovis modo violare aliquod ex prædictis Signis, ille per omnimodam inquisitionem apprehensus ad exemplum aliorum severissimè puniatur.

Commissarijs verò ad distinctionem, & positionem Limitum in isto Confinio, quo ad fieri poterit, quam celerrimè deputandis Regijs Edictis demandetur, ut ad tranquillitatem, & securitatem Subditorum utriusque Domini sedulò animum adhibentes sine Controversia, & sine quacunque particulari Complacentia Terras optimè separent, atque manifestè distinguant.

Cum sit in altera Savi parte, quâ Dominium Imperiale Ottomanicum recipit, munimenti Brod Fortificationes utpote recenter à Militijs Cæsareis factæ, tempore educendi Præsidij Cæsarei, everti debeant, locus autem ille sit commodissimus ad Mercatutam, poterit ibidem erigi cum honesto & commodo recinctu civitas, ita tamen ut in Arcis aut Munimenti formam non redigatur.

ARTICVLVS VI.

Definiti tandem per hosce Tractatus, & subsequetâ, ubi opus fuerit, locali Deputatorum Commissariorum separatione stabiliti, siue deinceps idoneo tempore per operam Commissariorum utrinque stabiliendi Confiniorum Limites sanctè utrinque, & religiosè observentur, ita ut sub nulla ratione aut prætextu extendi, transferri, aut mutuari possint: neque liceat alicui paciscentium parti in alterius partis Territorium ultra statutos semel terminos, aut lineas quidquam Juris aut potestatis prætereundum aut exercere, aut alterius partis Subditos siue ad deditionem, siue adpendendum tributum qualecunque siue præteritum, siue futurum, siue ad quamvis aliam humano ingenio excogitabilem exactionis aut vexationis speciem adigere aut molestare, sed omnis altercatio justè amoveatur.

ARTICVLVS VII.

Licetum & Liberum esto utrique partium pro Confiniorum suorum securitate, quocunque meliori visum fuerit modo, arces, munimenta, & loca, per præsentis Tractatus pacificè possessa, quæcunque de facto extant, reparare, munire, & fortificare, exceptis illis, de quibus utrinque nominatim cautum est. Ad Incolarum verò commodas habitationes in extremis Confinijs apertos pagos ædificare ubique sine impedimento, & sine exceptione utrique parti liceat, dummodo sub hoc pretextu Fortalitia non erigantur.

ARTICVLVS VIII.

IncurSIONES hostiles, & occupationes, omnesq; insultus clam aut ex improvviso facti, devastaciones, & depopulationes Territorij utriusq; Domini omnino, & severissimis Mandatis prohibita sint ac illicitæ: transgressores verò articuli hujus ubicunq; apprehensi statim incarcerationentur, & per Jurisdictionem Loci, ubi captivati fuerint, pro merito puniantur absq; ulla remissione, & rapta quæcunq; sint diligentissimè perquisita, & adinventata, cum omni æquitate Domini suis restituantur: Capitanei quoq; ipsimet, Commendantes, & Præfeti utriusq; partis ad justitiam nullâ admittâ injuriâ integerrimè administrandam sub amissione officij non solum, sed etiam vitæ, & honoris adstricti sint, atq; obligati.

ARTICVLVS IX.

Maneat porro etiam illicitum futuris quoque temporibus, receptaculum vel fomentum dare malis Hominibus rebellibus Subditis, aut malè contentis, sed ejusmodi Homines, & omnes Prædones, raptores, etiam si alterius partis Subditi sint, quos in ditione sua deprehenderit, merito supplicio afficere, utraque pars adstricta sit: qui si deprehendi nequeant, Capitaneis aut Præfectis eorum, sicubi eos latitare compertum fuerit, indicentur, ipsique illos puniendi Mandatum habeant: quod si nec hi officio suo in punitione talium Sceleratorum satisfecerint, indignationem Imperatoris Sui incurrant, aut officijs exuantur, aut ipsimet poenas pro reis luant; Quoque magis nefariorum hujusmodi perulantibus cautum sit, neutri partium liceat intertenere, & alere Haydones, quos liberos nuncupant, Plagiarios Pribeck dictos, atque id genus facinorosorum Hominum, qui non sunt alterutrius Principis stipendio conducti, sed rapto vivunt, tamque ij, quam qui eos aluerint, pro demerito puniantur, talesque nefarii, etiam si consuetæ vitæ emendationem præferant, nullam fidem mereantur, nec prope Confinia tolerantur, sed ad alia remotiora loca transferantur.

ARTICVLVS X.

Cum tempore præsentis hujus belli plures ex Hungaris & Transylvanis à subjectione Suae Cæsareæ Majestatis secedentes ad Confinia Excelsi Imperij se se receperint, atque hac in parte etiam conclusæ, per inducias inter utrumque Imperium almæ huic Paci debitis modis in futuram securitatem providendum sit, de prædictis ita pactum est, ut in ditionibus antè nominati Excelsi Imperij ad libitum possint locari & accommodari: Ne tamen aliquo modo Confiniorum tranquillitas, & Subditorum quies perturbari queat, loca, ubi prædicti collocabuntur, remota sint ab omnibus limitaneis, & confinarijs partibus, & uxoribus illorum dabitur facultas sequendi Maritos suos, ipsique in Imperatorio assignato ad hoc districtu cohabitandi. Cumque impofterum in reliquos Subditos Potentissimi Ottomannorum Imperatoris annumerandi veniant, non liceat illis à subjectione ejusdem amplius recedere: & si qui recesserint, atque ad Patriam iterum reverti voluerint, in numero & conditione malevolorum recenseantur, neque illis à Cæsareis fomentum aut receptaculum præbeatur, quinimo deprehensi Ottomannis Confiniorum Gubernatoribus extradantur, quo magis utrinque securitati Pacis prospiciatur.

ARTICVLVS XI.

Ad tollendas penitus quascunque in Confinijs super aliquo articulorum Armistitij hujus, aut quavis de re impofterum enascentes controversias, differentias, aut discordias, ubi prompto & maturo remedio opus sit, ordinentur utrinque in Confinijs primo quoque tempore electi pari numero Commissarij, viri nequitiam avari, sed graves, probi, prudentes, experti, atque pacifici: Hi quoque loco opportuno convenientes sine exercitu cum æquali pacificarum personarum comitiva, omnes & singulas hujusmodi controversias emergentes, audiant, cognoscant, decident, & amicabiliter componant, talem denique ordinem, & modum constituent, quo utraque pars suos Homines, & Subditos citra omnem tergiversationem vel prætextum gravissimis poenis ad sinceram ac firmam pacis observantiam compellat: Quod si verò negotia tanti momenti occurrerent, quæ per Commissarios utriusque partis componi, & expediri non possent, tunc ad ambos Potentissimos Imperatores remittantur, ut ipsi complanandis iisdem, sedandis, & extinguendis modum, & rationem invenire, & adhibere valeant, ita ut tales controversiæ, quam fieri poterit intra brevissimum temporis spatium, componantur, nec earum resolutio ulla ratione negligatur, aut protrahatur.

Cumque præterea in antecedentibus sacris capitulationibus duella, & mutæ ad certamen provocaciones fuerint vetitæ, impofterum etiam sint illicitæ; & si qui ad singulare certamen venire ausi fuerint, in illos ut transgressores gravissimè animadvertatur.

ARTICVLVS XII.

Captivi tempore præsentis belli ex utraque parte in captivitatem abacti, & in publicis carceribus adhuc superstites, cum occasione istius almæ Pacis liberationem tandem aliquando merito sperent, nec possint sine læsione Majestatis Imperatoris, & laudatæ consuetudinis in eadem captivitatis miseria, & calamitate relinqui: usitatis ab antiquo, vel honestioribus adhuc rationibus per commutationem in libertatem asserantur, & si plures, aut melioris conditionis in una quam in altera parte inveniuntur, pro reliquorum etiam liberatione, quando solennes Legati instantias afferent, gratiosa, & huic almæ Paci conveniens utriusque Imperatoris pietas nequaquam denegetur: Cæteris verò, qui in privatorum potestate sunt, vel apud ipsos Tarraros, licet sit liberationem suam honesto, & quam fieri poterit, mediocri lytro procurare. Quod si cum Captivi Domino honesta accommodatio fieri non poterit, Iudices locorum litem omnem per compositionem dirimant: sin autem prædictis vijs id etiā confici

confici haud posset, Captivi pretijs eorum sive per testimonia, sive per Juramenta probatis atq; solutis eliberentur. Nec possint aviditate majoris lucri sese redemptioni eorundem opponere, & quandoquidem ex parte Excelsi Imperij Ottomannici Homines non emitterentur, qui taliter eliberandis captivis operam adhibeant, spectabit ad probitatem Cæsareorum Præfectorum, ut ad dimittendum Ottomannos Captivos, quo empti sunt pretio sincerè liquidato, Dominos illorum adstringant, atq; ita sanctum hoc opus pari utrinq; pietate promoveatur; quousq; demum Captivi utrinq; prædictâ ratione eliberentur, Legati Plenipotentiarij ex utraq; parte officia sua adhibebunt, ut interea miseri Captivi benignè tractentur.

ARTICVLVS XIII.

Pro Religiosis, ac Religionis Christianæ exercitio juxta ritum Romano Catholicæ Ecclesiæ, quæcunque præcedentes gloriosissimi Ottomanorum Imperatores in Regnis suis sive per antecedentes Sacras Capitulationes, sive per Signa Imperialia, sive per Edicta, & munda specialia favorabiliter concesserunt, ea omnia Serenissimus, & Potentissimus Ottomannorum Imperator in posterum etiam observanda confirmabit, ita ut Ecclesias suas præfati Religiosi reparare atque resarcire possint, functiones suas ab antiquo consuetas exercent, & nemini permissum sit, contra Sacras Capitulationes & contra Leges Divinas aliquo genere molestiæ, aut pecuniariæ petitionis eosdem Religiosos cujuscunq; Ordinis, & conditionis afficere; sed consuetâ Imperatoriâ pietate gaudeant, & fruantur. Præterea Serenissimi, & Potentissimi Romanorum Imperatoris solenni ad fulgidam Portam Legato licitum sit, commissâ sibi circa Religionem, & Loca Christianæ Visitacionis in Sancta Civitate Jerusalem existentia exponere, atque instantias suas ad Imperiale Solium asferre.

ARTICVLVS XIV.

Commercia juxta antecedentes etiam sacras Capitulationes libera sint utriusque partis Subditis, in omnibus Imperiorum Regnis, & Dirionibus; ut autem utrique parti utili ratione, & sine fraude, & dolo peragantur, inter Deputatos Commissarios rem mercatoriam bene intelligentes tempore solennium utrinque Legationum contrahatur, & sicuti cum alijs Excelsi Imperij amicis nationibus observatum est, ita etiam Subditi cujuscunque Nationis Cæsareæ Majestatis securitate, & utilitate Commercialium in Regnis Excelsi Imperij idoneis modis, & usitatis Privilegijs gaudebunt, & perfruentur.

ARTICVLVS XV.

Quæcunque condiciones in antiquis sacris Capitulationibus expressæ sunt, nec prædictis Punctis hoc Tractatu stipulatis, aut liberrimo cujusque possidentium Dominio, & usui Eiusdem adversantur, aut præjudicant, post hac etiam colantur sanctè, & observentur, cassatis & annullatis ijs, quæ supradictis quocunque modo repugnant.

ARTICVLVS XVI.

Ut quoq; tantò magis Armistitium hoc bonaq; inter ambos Potentissimos Imperatores amicitia firmetur, ac coalescat, mittentur solennes utrinq; Legati ex æquo usitatis ceremonialibus ab introitu in Confinia usq; ad reditum in locum secundæ permutationis excipiendi, honorandi, tractandi atq; prosequendi, qui in signum amicitiae spontaneum munus, conveniens tamen, & utriusq; Imperatoris dignitati consentaneum afferent; Et primâ Æstate in mense Junio iter, præviâ mutuâ correspondentiâ, uno eodemq; tempore suscipientes in Sirmienti Confinio, more jam pridem inter utrumq; Imperium observato permutabuntur. Solennibus porro Legatis in Imperatorijs Aulis, quidquid libuerit, petere liceat, ac permittatur.

ARTICVLVS XVII.

Regula, & norma Curialium in recipiendis, receptisq; pariter honorandis, & tractandis Ministris ultrò citroq; commeantibus, & commorantibus juxta usitam prioribus etiam temporibus modalitatem deinceps ab utrinq; cum æquali decore, & secundum distinctam characteris missorum prærogativam observetur.

Legatis Cæsareis, & Residentibus, & quibuscunque eorundem Hominibus pro suo arbitrio, quibuscunq; placuerit Vestibus uti licitum sit, nevé quisquam impedimento esse possit. Ministri porro Cæsarei, sive Oratoris, sive Legati, sive Residentis, sive Agentis munere fungantur, quibus reliquorum Principum fulgidæ Portæ amicorum Legati, & Agentes immunitatibus, & Privilegijs perfruuntur, eadem libertate, imò ad distingvendam Cæsareæ dignitatis prærogativam usitatis melioribus modis fruuntur, habeantq; liberam potestatem conducendi Interpretes. Cursores etiam, & alij eorum Homines Viennâ ad fulgidam Portam, atq; iterum redeuntes, & ultrò citroq; venientes salvo passu tuto, & securè permeent, atq; ut commodè iter suum perficiant, omni favore coadjuventur.

ARTICVLVS XVIII.

Pax ista quamvis secundum propositas condiciones conclusa, tum demum integrum ex omni parte robur obligationis, & debite observantiae vinculum accipiet, & inducet, cum omnia, & singula, quae de Confinijs supra recensito modo ultro citroque promissa, & acceptata sunt, tam de distinctionibus Limitum, quam de evacuationibus, & demolitionibus plenarie in effectum, & executionem deducta fuerint, ita, ut absolutam designationem Limitum in unoquoque Confinio statim subsequatur demolitio, aut evacuatio, quod ut quam celerrime succedat, designentur ad Limites, & terminos Confiniorum ponendos, & distinguendos ex utraque parte Commissarij, qui de Aequinoctij, scilicet 22. Mensis Martij, aut 12. secundum veterem stylum, Anni Millefimi Sexcentefimi Nonagesimi noni, in Locis inter Commissarios consensu Gubernatorum utriusque Confinij determinandis, mediocri, & pacifico Comitatu conveniant, atque intra Spatium duorum Mensium, si possibile sit, aut etiam citius, ubi fieri poterit, Confinia Limitibus, & terminis manifestis per superiores articulos constitutis distinguant, separent, determinent, & Statuta inter Legatos Plenipotentarios utriusque Imperij accuratissime, & citissime exequantur.

ARTICVLVS XIX.

Has vero condiciones, & articulos ad formam hanc mutuo placitam a Majestatibus utriusque Imperatoris ratihabitu iri, atque ut solennia ratificationis Diplomata intra Spatium triginta dierum a die Subscriptionis, vel citius in Confinijs per Illustrissimos & Excellentissimos Legatos Plenipotentarios Mediatore reciprocè recteque commutentur, Legati Plenipotentarii utriusque Imperij se se infallibiliter obligant, atque praestituros compromittunt.

ARTICVLVS XX.

Duret Armistitium hocce, & extendatur, favente DEO ad viginti quinque Annos continuè sequentes a die, qua ejusdem subscriptio facta fuerit, quo Annorum numero elapso, vel etiam medio tempore priusquam elabatur, liberum esto utrique partium, si ita placuerit, Pacem hanc ad plures adhuc Annos prorogare.

Itaque mutuo, & libero consensu quaecumque stabilita sunt Pacta inter Majestatem Serenissimam, & Potentissimam Romanorum Imperatoris, & Majestatem Serenissimam, & Potentissimam Ottomanorum Imperatoris, & Heredes eorundem Imperia quoque, & Regna Ipsorum: terrarum item marique sitas Regiones, Civitates, Urbes, Subditos, & Clientes observentur sanctè, religiose, ac inviolabiliter; Et demandetur serio omnibus utriusque partis Gubernatoribus, Praefectis, Ducibus Exercituum, atque Militijs, & quibusvis in eorundem Clientela, obedientia, & subjectione existentibus, ut illi quoque praedecaratis conditionibus, clausulis, pactis, & articulis sese adaequatè conformantes omnibus modis caveant, ne contra Pacem, & amicitiam hanc sub quocumque nomine, aut praetextu, se invicem offendant, aut damnificent, sed quolibet prorsus Inimicitiae genere, abstinendo bonam colant vicinitatem, certò scientes, quod si eatenus admoniti morem non gesserint, severissimis in se poenis animadvertendum fore.

Ipsae quoque Crimenis Chanus, & omnes Tartarorum Gentes quovis nomine vocatae ad Pacis hujus, & bonae vicinitatis, & reconciliationis Jura rite observanda adstricti sint, nec iisdem contraveniendo, hostilitates qualescunque exerceant erga quasvis Caesareas Provincias, earumque Subditos aut Clientes: Porro si ex alijs Exercituum generibus, si ex Nationibus Tartarorum, si quis contra sacras Imperatorias hasce Capitulationes, & contra Pacta, & Articulos earum quidpiam ausus fuerit, is poenis rigorosissimis coërcetur.

Incipiat verò modo dicta Pax, Quies, & Securitas Subditorum utriusque Imperij a suprafata die subscriptionis, & cessent exinde, atque sustollantur omnes utrinque inimicitiae, & Subditi utriusque partis securitate, & tranquillitate fruantur; Eoque fine, & quò magis per summam curam, ac sedulitatem hostilitates inhiberi possint, transmittantur quam celerrime Mandata, & Edicta publicanda Pacis ad omnes Confiniorum Praefectos, cumque Spatium aliquod temporis requiratur, intra quod Officiales in remotioribus praesertim Confinijs istam conclusae Pacis notitiam obtinere valeant, statuuntur viginti dies pro termino, post quem si quis hostile quidpiam alterutra ex parte admittere praesumpserit, poenis superius declaratis irremissibiliter subjaceat.

Ut demum Pacis Condiciones viginti hisce articulis conclusae, utrinque acceptatae, & debito summoque cum respectu inviolatae observentur: Siquidem Domini Plenipotentarii Ottomanici vi concessae ipsi facultatis Imperatoris Instrumentum Turcico Sermonem exaratum, & subscriptum, legitimum, & validum nobis exhibuerint: Nos quoque vi Mandati, & Plenipotentiae nostrae, proprijs manibus, & proprijs Sigillis subscriptas, & signatas hasce Pactorum Literas in Latino Idiomate tanquam legitimum, & validum vicissim Instrumentum extradidimus.

FINIS.

